

Khaq mao ail haol nail Miq yail

(Holy Holy Holy)

Khaq mao ail haol nail Miq yail.

Bhaq-aoq eeq nail aq heel ol.

Nq hao navq mav ail n- juq naoq bai tsiq eeq naol.

Khaq mao-iq haol nail Miq yail.

Gaiq -a nya nail Heeq pha.

Hail gaq teevq gaq Miq yail bai tsiq eeq naol.

Khaq mao iq haol nail Miq yail.

Naoq nail yaq tsiq eeq naol.

N- nail heel uq tsoq naoq nail siv tavq-ai danq

biq naol.Nq mavq mavq luv Miq yail.

Naoq nail siv tavq-ai lal khi.

Nq tavq gaq khoel nee naoq bhai tsiq eeq naol.

Khaq mao iq haol nail Miq yail.

Iq sanl nia nail Heeq pha.

Nq tavq mil tsq kov tavq bhai naol iq sanl mail aq

meeq.Khaq mao iq haol nail Miq yail.

Aq baq eeq nail Heeq pha.

Hail gaq teevq gaq Miq yail bai tsiq eeq naol.

Bhaq-aoq eeq nail Miq yail
(Come Thou Almighty King)

Bhaq-aoq eeq nail Miq yail ol .Naoq bai tsiq eeq
ga naol.

N-juq nee lee aq baq gaq eeq nail gaq iq sanl bai
gaq nail gaq. N- juq bai uv thaiq lavq naoq bai hal
naol.

Yeiq sul hevq kovq nail gaq Bhaq-aoq oil khi mail
lee yaoq. Hal daoq nal daiq naoq nail yaq bhai
naoq nail geeq laoq daoq cavq bhiq yaoq. Meeq
nail haol nail Yeiq sul n- juq nee lee.

Nee sal bhiv nail gaq lee N-juq jil lal-u bai. Mi cil
cavq lavq. Bhaq- aoq eeq nail gaq lee yao. N-juq
nee jaol lee yaoq .N-juq neethaq gaoq ail aq heel
Miq yail.

Saol nail Miq yail gaq bai. Nq maq maq luv hal
yeel. Tsiq eeq yaoq dei-eiq aivq nail mil khaoq-a
kev lai-u. Aivq nail aq bhaq ya moel aivq bai yaoq
gaq yaoq-ao nee. Tsq eeq yaoq dei-eiq.

Geeq laoq iq sanl bivq nail Miq yail
(Come Thou Fount)

1Geeq laoq iq sanl bivq nail Miq yail tsiq eeq
kivq dai saol lavq yaoq. Naoq mail gaiq-a nail
maq ceiv lai dai naoq bhai tsiq eeq tsiq phoiq naol.

Naoq nail gaq khoel cavq nia nail khe-ai Ngal
cavq kivq dai saol lavq yaoq. Naol goil gaiq-a nail
laq khoel jaol naol ngaq bhai teevq yeel bhi ivq
lavq.

Naol ngaq bhai hel daiq lavq- i mail. Havq-eiv
nail pha q bhai ngal gaq lai. Naol ngaq bhai tsu
lovq nail ngel- i mail naol jaol nail bha kevq lal
kivq. Ngaq neq jiail khaol jiail bheeq bheeq gaoq.
Yeqsul ngaq bhai hal pov lee. Ngaq bhai hevq
kovq nia nail gal duq aivq nail aq sivq ya il lee.

Aivq nail –n aivq naoq nail geeq laoq ngal teevq
bhee teevq lovq ya naol. Ngaq nail nee mav eeq
duq jiav dai naol ngaq bhai cavq saol lavq
yaopq.Heeq pha q ol ngal naoq bhai gaiq-a gaoq.
Ngaq nail nee mav lav lai q nia. Naoq nail il khaol-
a kev lal nia dai ngaq nail nee mav lav sav lavq.

Mil tsaq niil iq sanl
(This is my father world)

1Mil tsaq niil iq sanl mail ngaq nail aq bhu- i teivq-ai thaq.Khal teivq-ai thaq nail yaoq phaqaq yaoq-ao nee meeqaq nail bhail ngal ya moel. Ngaq nail aq bhu nail mil tsaq kov tavq-ai nee sal ya. Nq tavq mil tsaq aqaq tsaqaq kha bhaol iq sanl aivqaq mail teivq-ai thaq.

2Naqaq nail aq bhu-i teivq-ai thaq nail mil tsaq laq khoel khe. Khal jaol nail kevaq-avqaq ov tsil iq sanl aivqaq nail geeqaq laqaq-ai tsiqaq eeqaq. Aivqaq nail mil tsaq laq khoel-ai .Aivqaq nail aq bhaqaq bhaqaq il. Haqaq tsoioqaq bhail ngal tsao ail gaoqaq neqaq Miqaq yaill jaol nail heeq lal.

3Ngaqaq nail aq bhu nail mil tsaq laq khoel khe jaol nail. Haqaq-eivqaq nail phaqaq gaqaq kav lal gaoqaq neqaq ngaqaq nail aq bhu gaqaq lai. Ngaqaq nail aq bhu nail mil tsaq laq khoel-ai gel-nl dev gaoqaq.Yeiqaq sul ngaqaq bhail uv joiqaq-ai thaq naol aivqaq nail mil tsaq teevqaq-eel ngaol.

Naoq bhai tsiq eeq naol
(We praise Thee O God)

1Naoq bhai tsiq eeq naol . Naoq nail yaq bhi lee-a
nail. Ngal gal duq sil khi kovq dav lai thaq nail
gaq.

*** Haq leiq lul yaq geeq laoq eeq naol.

Haq leiq lul yaq Aaq miq.

Haq leiq lul yaq geeq laoq eeq naol.

Nee mav bhi phal lavq.

2Naoq bhai tsiq eeq naol .Aq bhaq geeq laoq aq
heel. Yeiq sul nee ya moel haq aq nav juq peivq
ail.

3Iq bal phi ha gaq bhi meeq bhi haol lal gaq.

Khanq sil nail Yaol yaq gaq bhai nga dao
tsiq eeq.

Naoq nail aq mil ai tsiq eeq naildai

(In they name O lord Assembling)

Naoq nail aq mil- ai tsiq eeq nail dai. Heeq pha
ol n-juq jil lal. Laq khiq tsail tsiq eeq lal nia khi.

Naoq nail daoq nal daiq nia dai.

Nee mav nee meeq aol lal nia dai .naoq nail yaq
kav bai cavq lavq.

N-juq mil tsq kov tavq-ai jaol-u phao. Al yanq iq
sanl naoq bai danq. Noeq thuq-nq teevq bee jia
nia dai naol ganl aq meeq pha bi nl lavq. Naoq
nail geeq laoq naoq nail aq bhaq .N-juq bhai b
imoel lavq.

Nee mav saol taiv dai thaq khi mail naoq nail yaq
naoq bhai tsiq eeq.

Naoq nail geeq laoq gaq-u neev maq tsil. .Naoq
nail yaq bhai naol bhivq lavq.

Lavq khiq tsail khi geeq laoq-ai tsiq eeq. Nee sal
ovq nail ya gaq-ao naol.

Uq huq thaoq nail il khaol-a
(How pleased and Blessed was)

Uq huq thaoq nail il khaol-a. Aivq bai uq huq
thaoq lal. Uq huq thaoq ha-aq ngal laq khiq tsail.
Laq khiq al jaiq-ail tsail-i.

Uq huq thaoq nail il khaol-a ngal lai khi uq huq
thaoq lai naol.

Miq yail jaol duq aq meeq. Geeq laoq teevq bhee
jiav naol. Miq yail aivq nail yaq bhai tsu lovq. A-
bai jaol nail tsaol-a.

Laq khiq teevq tsail tsiq eeq. Khaq mao kev dai
gul gul ail tsiq eeq.

Daq Bhil nail yaq mal bhai mil khaog jiav lal nya
dai. Mil tsaq kov tavq bhai aivq lee khi. Mil khaog
yaq laq khiq tsail.

Iq bal tsiq haol lavq-i. Haq nail yaq bhai nee sal
bhi ovq.

Nee sal ovq nail geeq laoq .Naoq bha teevq bhee
jiav naol. Naoq nail yaq juq bai bivq kev yaoq.
Naol jaol nail bha lal-u.

Nee mav bi sal lavq yaoq. Naoq nail yaq bhai
geeq laoq bivq yaoq.

Ngaq-ai nee jaol lavq

(A bide with me)

1Ngaq-ai nee jaol lavq . Nq kivq kivq lee aoq nyal. Aq nav ngel-i. Heeq phaol ol ngaq-ai nee jaol.

Yu maq hel daiq nya nee sal maq bivq nya
Hel daiq nya nail gaol ol ngaq-ai nee jaol lavq.

2Mil tsaol kov tavq bhai aq yanq jel ail khi
Laq khiq tsail nail khi aq bhaol iq peivq ail.

Iq sanl phal lal khi peivq ail boev-ail aoq nial.
Maq phal lal nia nail gaol ol ngaq-ai nee jaol lavq.

3Khaol mao kevq dai naol ngaq-ai nee jaol lavq.
Neivq havq-eiv nail phaol bhai naol gaol lai nya
naol Naol taivq-ail ngaol bhai hel daiq lavq nya
nail gaol. Aq baol aq nav ngaol-aoq neq ngaq-ai nee
jaol lavq.

4Ngal sil –u naol nail daol bhi gaiq lavq yaoq.
Aq nav bhai nq tavq jial khaol hevq daiq lavq.
Abhai aq nav peivq ail aq bhaol pevq lal naol. Ngal
doevq gaol sil gaol naol ngaq-ai nee jaol lavq.

Ngaq-ai kheel havq-eiv nail

(Amazin Grace)

1Ngaq-ai kheel haq-eivq nail tsaol aq bhai ngaol-
aoq. Naol bhi bhuq ail lavq naol. .Ngal pevq ail
gaoq naol hal pov kovq .Maiv peivq ngaol-aoq
moel lal naol.

2Gaq-u ngal gu sil dee dee gaoq. Aq il ngal maq
gu sil. Naoq bhai nee mavq thaq tsaol nail gaq.
Geeq laoq teevq beeYa naol.

3Haq nail aoq nail mao dee dee nail. Naol bhi
bhuq ail lavq naol. Naoq nail geeq laoq baq da nee
mail. Niaiq-ai kev lal aoq naol.

4A-phao Yeiq sul aq bhaq laq khoel-ai. Aq meel-
nq kovq jaol gaoq neq.

Miq yail geeq laoq bai tsiq eeq naol. Aq yanq jiaq
dee dee naol.

Gaoq jaoq kov tavq-ai gaq khoel-ao il
(On the Mountain Top Appearing)

1Gaoq jaoq kov tavq aiv gaq khoel-ao il

Miq yail mail khoel-ai thaq il. Miq yail nail yaq
jaol nail-a lee khi. .Meeq nail daoq niail hai cavq
lee. Noeq haq nail juq .Noeq haq nail juq. Mi yail
bhi bhuq ail lavq naol.

2Noeq haq nail naoq bai kev lee khi aq tsaq aq
laol gail maq bhao. Jal mul mul nail naol ya daq
khi mai bil dov dov-ai ya haq gaoq.

Laq khiq tsail yaoq laq khiq tsail yaoq. Miq yail
naoq bai gaiq-a naol.

3Naoq nail Miq yail bhi bhuq-ail lavq naol.

Aivq neq naoq nail aq tsaq ngaol.

Jal mul mul nail naol gaq lai khi aq yu juq bhaq-
aoq pevq ail naol. Bhi bhuq nail gaq. Bhi bhuq nail
gaq .Miq yail bhi buq ail lavq naol.

4Jal mul mul nail naoq-ai maq gaq lal. Aivq bhai
miq yail dal biq naol. Naol haq nail aq nail ya
khanq gaoq. Miqyail geeq laoq bhivq lavq naol.
Noeq haq nail pha q Noeq haq nail pha q naol khaq
mao gail ya bhuq ail naol.

Aq bhu miq yail nail daoq
(How Gentle Gods Commands)

1Aq bhu miq yail nail daoq .Aq meeq nal daiq
meeq naol .Naoq nail yal kav aivq bhai tsiq
phi.Aivq bhai juq khi jaol yaoq.

2Aivq tsu lovq jaol-i mail. Tsaol meeq juq nee sal
ya. Nq tavq mil tsaq bhai tsu lovq khi aivq nail
yaq bhai tsu lovq.

3Khul khi jaoq gaoq mil nail-aiq. Nee mavq khul
khi cov nail-aiq Miq yail jaol nail-a laq tsail lal
yaoq. Nee sal naoq-ai bhivq lavq naol.

4Aivq mail naoq bhai gaiq-a nail teevq pov iq
maq phal lal nia .Ngal noeq haq gaoq aivq nee sal
bhivq. Aivq bhai ngal tsiq eeq naol.

Mil tsaq kov tavq-ai haq nail aoq nail

(Count Your Blessings)

1Mil tsaq kov tavq-ai haq nail aoq nail kev lee khi. Suq-nq gil aoq nial dai nee mav bhai noeq lal-u. Miq yail geeq laoq teevq pha q nail teevq pha q ge daiq. Miq yail geeq laoq mao dee dee nail ya moel naol.

***Geeq laoq teevq pha q nail teevq pha q ge daiq. Geeq laoq ge daiq geeq laoq mao nail ngaol. Geeq laoq ge daiq teevq pha q nail teevq pha q. Miq yail geeq laoq ge daiq geeq laoq mao nail ngaol.

2Noeq haq noeq aoq nail naoq nail gal duq kev lee-u. Naoq nail lavq yavq bai naol maq bhavq tsaol ail lai q. Miq yail geeq laoq ge daiq noeq haq nail tha q jia v. Laq khi q teevq tsail naol Miq yail bai tsiq ee q yaoq.

3Mil khaoq hul mee q mee q nail bhai naol ya moel u. Yei q sul naoq bai kha dai gai q-a nail dai noeq dai q. Maq ge gil nail Miq yail geeq laoq bai noeq dai q. Laq khi q teevq tsail naol Miq yail bhai tsiq ee q naol.

4Noeq haq noeq aoq nail naol ya taoq phuq gaoq neq .Nee mav tha q cov Mi yail naoq bai tsu lovq naol. Miq yail geeq laoq ge daiq naoq nail teevq yeel bhai. Miq yail ga q khoel naoq bhai hel dai q pha il lavq naol.

Gaq-u nee hel daiq nail Miq yail

(O god our Help of Ages Past)

1Gaq-u nee hel daiq nail Miq yail noeq tuq-nq duq
naol teevq eel ngaol. Lil moel eeq lal-u jaol haiq
duq gaq naq duq naol teevq-eel ngaol.

2Naoq nail doiq bev bev ma si tavq-ai n-juq bhai
bhi jaol lavq. Gaq eeq nail naoq nail aq lavq-i
ngaq bhai tsu lovq lavq yaoq.

3Nq tavq mil tsaq maq bhai-u nee naol Miq yail
pevq thaq naol. Naol teevq pov gail maq pov maq
phal-ail. Khaq mao gail iq dao deel.

4Gaq-u nee hel daiq nail Miq yail. Noeq tuq-nq
duq naol tevq eel ngaol .N-juq doevq-u tsu lovq
lavq yaoq gaq naq duq naol teevq eel ngao.

Gaq bhivq lavq nail Miq yail ol
(God of our strength Enthroned Above)

1Gaq bhivq lavq nail ol Miq yail ol N-nail ivq duq
khi mail goil duq N-juq geeq laoq hal nya-i mail
naoq bhai n-juq tsiq eeq gil naol.

***N-nail ivq duq n- nail goil duq n-nail nee
khaol sil duq naol ngaol

2Laq khiq tsail khi naoq bai juq naol. Naol taivq
ail n- juq bhai hel daiq nya. Gaq-u tsaol meeq
tsaol jaq juq bhai naol aq meeq-ai hel daiq thaq
naol.

3Miq yail ol n- juq iq sanl mail naol khe ai- dul lal
dai hel daiq lavq. Maq meeq nail neq iq sanl liv
ha. Iq bal jal mul bai bhi gaq lavq.

4Gaq bhivq lavq nail ol Miq yail ol. Naoq bhai
gaq hal dee dee ga naol. Ngal naoq bai nee mav
taq tsaol dai. Khaq mao kev dai ngal naoq bhai
juq.

Aq bhu nga dao bai gaiq-a nail

(Behold What Love)

1Aq bu nga dao bai gaiq-a nail kha dai eeq nail
ngel-ai .Nga dao iq bal yaq pevq gaoq neq aivq
nail yaq bhi pevq lavq.

***Aq bhu nga dao bhai gaiq-a nail

Na dao bhai gaiq-a nail kha dai eeq nail ngel-ail
dai noeq daiq. Nga dao bhai gaiq-a il mail Miq
yail yaq dai khul lavq naol.

2Nga dao iq bal laq khoel-ai jaol gaoq aivq neq
maq jil ha dai. Yeq sul nga dao gal duq sil- aoq
naol. Aivq mail gaiq-a nail noeq daiq.

3Heeq pha q teevq pov gaoq yavq kha lee-u baq-
aoq kav dee dee naol. Aivq bhai nga dao ya moel-
u bhai aivq khe-ai nga dao pevq lal.

4Nga dao nii dai noeq thuq-n thaq-i nga dao neev
mav sal lal. Nga dao nail Heeq pha q kovq lee-u
nga dao aivq khe-ai pevq lal.

Khal ul pevq lal gaoq nee mavq thaq cov
(God will Take Care of you)

1Khal ul pevq lal gaoq nee mav thaq covq.
Miq yail tsu lovq jaol naol. Aivq nail aq daol iq
govq-ai jaol haq. Miq yail tsu lovq jaol naol.

***Miq yail tsu lovq jaol naol . Aivq nail n- aivq
aivq nail dao aivq. Miq yail tsu lovq jaol naol.
Miyail tsu lovq jaol naol.

2Ni maq maq jiav ail nee mav cov gaoq.
Miq yail tsu lovq jaol naol. Naoq nail jial khaol-ai
gu sil lal gaoq. Miq yail tsu lovq jaol naol.

3Naol loq nail pha q bivq gil lavq naol.
Miq yail tsu lovq jaol naol. Naol khal hal nail nal
daiq lavq naol. Miq yail tsu lovq jaol naol.

4Aq tsaq maq bhao -ail nee mav cov gaoq.
Miq yail tsu lovq jaol naol. Aivq bhai juq ha-aq
Nee mav sal lal. Miq yail tsu lovq jaol naol.

Hee tsul –ai jiav-u nq kiv

(Selent Night)

1Hee tsul-ai jiav-u nq kiv. Yeiq sul doe-u nq ki. Nq tavq bhaq laoq kheq dai jiav. Saol taiv deel yaq nuq teevq gaq. (Hee tsul dai iq thaiq il)2

2Hee tsul-ai jiav-u nq kiv. Aq nav bhai bhaq-aoq bhaq lal..Nq tavq gaq khoel tsiq eeq-u yaol lovq nail juq ya gaiq –u. (Hevq kovq nail gaq doevq lee)2

3Hee tsul ai jiav-u nq kiv. Yaq mal nail mai phaoq bhai. Bhaq-aoq aq bhaq teevq bhee bhaq lal. Nga dao iq bal nee bhuq ail dai (Hevq kovq nail gaq doevq lee)2

4Hee tsul-ai jiav-u nqkiv. Aq gil nail aq bhaq bhaq. Nq tavq gaq khoel tsiq eeq nail Yeiq sul bhai tsiq eeq ga bhel. (Hevq kovq nail gaq doevq lee)2

Nq tavq gaq khoel juq
(Angels from the Realms of Glory)

1Nq tavq gaq khoel yavq kha lee khi mil tsaq iq
sanl jil lal khi. Bai gaq thaq nail bhai cavq gaiq
khi hevq kovq nail ganl cavq gaiq yaoq.

***Uq huq thaoq lal .Uq huq thaoq lal
Miq yail bhai uq huq thaoq lal.

2Yaol lovq nail juq gail lal gil yaoq. Yaol juq bhi
jaol ail ceevq yaoq .Miq yail tsaol-aq nee jaol lee
il aivq bhai uq huq thaoq lal yaoq.

3Nee geel aol nail tsaol-aq lal yaoq. Aq gil haoq
nao tsao thel lavq. Tsaol-aq yaq bhai hevq kovq
nail gaq-ai meeq nail kov pavq bhivq lal yaoq.

4Kha li yaq juq iq sanl lal yaoq Heeq pha q nyaoq
khu bhai doevq lee .N- ju iq sanl hevq kovq nail
dai mil tsaq ko tavq-ai yavq kha lee.

Nal daiq yaoq gaq khoel tsiq eeq

(Halk the Herald Angels sing)

1Nal daiq yaoq gaq khoel tsiq eeq .Heeq pha q
yeiq sul doevq lee aoq nail. Mil tsaq yaq bhi tavq
bhi jil. Miq yail bhai bhi tavq lai yaoq. Tsaol jeq
iq sanl thul lal yaoq .Gaq khoel juq nee tsiq eeq
yaoq. Bail laiq haiq meeq-nq bhai doevq lee
tsaol-aq iq sanl bhai cavq gaiq. Nal daiq yaoq gaq
khoel tsiq eeq.

Heeq pha q Yeiq sul doevq lee aoq nail.

2Yeiq sul bhai gaq khoel tsiq eeq aivq nga dao nail
heeq pha q ngaol. Yanq tsaq dee dee nail kev lal-u
mil tsaq bhai aivq yavq kha lee .Miq yail yaq nuq
doevq lee nail nga dao aivq bhai tsiq eeq yaoq
.Yeiq sul.Eiq maq noeq-eiq lal gaq nga dao nee
jaol lee aoq nail. Nal daiq yaoq gaq khoel tsiq eeq
Heeq pha q. Yeiq sul doevq lee aoq nail.

3Aivq neq nee sal bhivq nia khi tsaq nail daol nail
aq bha q ngaol.

Kha q mao kev dai doevq khi mail aivq nail laq
khoel-ai bha q aoq jiav. Aivq nail kha oq sail bhai
ta q ail ceevq nga dao bhuq ail dai doevq lee.Na
dao tsaol sivq pevq lal dai mil tsaq ko tavq-ai
doevq lee. Nal daiq yaoq gaq khoel tsiq eeq Heeq
pha q Yaiq sul doevq lee aoq nail.

Laq khiq tsail yaoq Heeq pha q lee aoq nail

(Joy to the world)

1Laq khiq tsail yaoq Heeq pha q lee aoq nail.

Heeq pha q bhai tsiq ee q yaoq. Neemav iq sanl lav
sav yaoq dei-eiq (Gul gul-ail)4 tsiq ee q yaoq
de-eq)3

2Laq khiq tsail yaoq aivq uv taiq naol. Gul khi
tsiq ee q yaoq dei-eiq .Khal bhai-ai tha q nail yaoq
pha q yaoq-ao nee (Laq khiq tsail khi gul il)

3Iq bal dai khi noeq ha q nail pha q lavq pevq nail
dai aivq lee .Aivq mail gaiq-a nail gee q lao q iq
sanl (Mil tsa q kov tavq-ai bhee il)3

4Tsa q nail khi mail gaiq-a nail la q khoel-ai mil
tsa q bhai-uv thaiq il. Aivq mail gaiq-a nail kha dai
ee q nail-aiq (Nga dao bhai bi heeq lavq)3

Jao nail tsaol –aq iq sanl laq khiq teevq tsail

(O come all ye faithful)

1Nee mavq taq tsaol nail juq lal khi tsiq eeq lal
yaoq. Bail laiq haiq meeq-nq iq sanl mail ail gil
bhel.Nq tavq gaq khoel nail Heeq pha q bhai hel
daiq lal yaoq (Heeq pha q yeiq sul jaol nail-a lal)2

Heeq pha q Yeiq sul jaol nail-a uq huq thaoq lal
yaoq.

2Nq tavq gaq khoel ol laq khiq teevq tsail tsiq
eeq .Nq tavq gaq khoel nail maq mavq gaoq tsiq
eeq yaoq

Daq moe bha jaol nail.Miq yail bhai tsiq ee qyaoq.

(Heeq pha q yeiq Sul jaol nail-a lal)2

Heeq pha q Yeiq sul jaol nail-a uq huq thaoq lal

3Mil tsaq kov tavq-ai doevq lee nail Heeq pha q-ai
tsiq eeq. Aivq bhai baq-aoq khaoq sail teevq bhee
dai bhi jiav yaoq. Aq bhu Miq yail iq sanl nail gal
duq jaol lee(Heeq pha q Yeiq sul jaol nail-a lal)2

Heeq pha q Yeiq sul jaol nail-a uq huq thaoq lal
yaoq.

Hul iq tsil ma yaol lovq nail juq
(While Shephards Wathced Their flocks)

1Hul iq tsil ma yaol lovq nail juq yaol mavq mav
bhai lovq-u phao. Nq tavq gaq khoel yavq kha lee
khi

(Baq-aoq aq bhaq bhaq dov lal)2

2Yaol lovq nail juq gee sil dee dee u. Nq tavq gaq
khoel moel khi. Nul-u juq thaq gee sil dei-eiq yaq-
nl kiv (Geeq laoq daoq oil leevq-a nail)2

3Yaq nl kiv Bhail laiq haiq meeq-nq laq khoel-ai
Heeq pha q hevq kovq nail gaq. Nul juq nail gal
duq doevq lee aoq nail (Nyaoq nel nyaoq khu-ai
iq thaiq)

4Miq yail bhail tsiq ee q tsiq phoiq yaoq. Mil tsaq
nee sal bhail ya. Tsaol-aq yaq tavq lai jil lai dai

(Nq maq maq luv bhail jiav)2

Mil tsaq iq sanl iq bal laq khoel –ai jaol il

(The light of the world)

Mil tsaq iq sanl iq bal nail laq khoel-ai jaol il

Mil tsaq nail aq bhaq Yeiq sul ngaol.

Aivq nail aq bhaq neq nl ma khe-ai bhaq il.

Mil tsaq nail aq bhaq neq Yeiq sul ngaol.

***Aq bhaq jivq nail-a naol laq tsail lal yaoq

Meeq nail aq bhaq naoq nail gal duq bhaq

Gaq -u bhai maiv peivq aq il neq moel lal aoq nail.

Mil tsaq nail aq bhaq neq Yeiq sul ngaol.

2Yeiq sul nee jaol-u aq nav nail laq khoel-ai maq
jaol. Mil tsaq nail aq bhaq neq Yeiq sul ngaol.

Aivq nail haoq nao lal-u aq bhaq khaq mao iq
bhaq il.

Mil tsaq nail aq bhaq neq Yeiq sul ngaol.

3Iq bal laq khoel-ai maiv peivq peivq nail tsaol-
aq ol. Mil tsaq nail aq bhaq neiq Yeiq sul ngaol.

A-bhai Yaol yaq nail aq bhaq khaq mao iq jiav.

Mil tsaq nail aq bhaq neq Yeiq sul ngaol.

Yeiq sul nail ganl noeq moel lal-u
(Jesus the very Thought of Thee)

1 Yeiq sul nail ganl noeq moel lal-u laq khiq tsail
nee sal ya. Yaq hao naoq nail mai phaoq moel-u
laq khiq gaoq ya tsail jaiq.

2 Yeiq sul aq mil khe-ai meeq nail khaq bhai gail
hal pov gaoq. Nii dai phaqa ail meeq nail aq mil
mil tsaq kov tavq-ai maq moel.

3 Iq bal noeq pov noeq phal nail gaq. Naoq bhai
Miq yail noeq thuq-nq. Tsuq ail thaq nail tsaol-aq
juq bhai. Naoq-i tsiq thul lavq naol.

4 Yeiq sul nee gaiq kha dai eeq nail. Moeq thaoq-i
tsiq eeq-u maq gil. Miq yail yeiq sul nee gaiq aq
heel aivq nail yaq taivq-ail heeq nia.

Ngaq nail heeq pha q aq bhaq ee q il
(When I Survey the Wondrous Cross)

1Naq nail heeq pha q aq bhaq ee q il.

Aivq mail sil tha q nail ngal noe q-u.

Phul heel il dao q mao q gai q ma q hal

Nee mav ee q nail pha q ngal liv ha.

2 Yei q sul nga q nail gal du q sil da-n.

Naq nail nee mav ee q du q jiav naol.

Nga q mail khal jiav nail iq sanl mail.

Kan q sil tha q nail ga q bhai dan q bhi q.

3Gee q khao q mal bav q-ai aq siv q il lee.

Nga dao bhai gai q-a nail ya heeq kiv q.

Gai q-a i-mail aiv q ya noe q ha q.

Aq goe dal khaol uq tsa o q ya tsa o q.

4Mil tsa q iq sanl aiv q bhai dan q gao q.

Dan q nail niil ne q aiv q dai ma q kev.

Aiv q ne q nga q bhai gai q-a nail ngel-i mail.

Nga q nail aq maol neev mav dan q bhi q.

Eq yal khe gaoq jaoq bha khe lavq yavq

(Old Rugged Cross)

1Eq yal khe gaoq jaoq bha kha-ai thaq nail lavq
yavq neq .Haq nail khi aoq nail phaqaq mail bhee il.
Iq bal yaq nail gal duq Yeiq sul aq maol sil da-n.

Lavq yavq thoil neq ngaq nail gaiq-a duq.

***Mil tsaq nil nee ngal ya gaoq nai-a kev.

Lavq yavq thoil khaoq neeq ngal gaiq-a nail jiav.
Lavq yavq niil aq il ngal nieivq thaiq-ai thaq. Yaq
hao heel uq tsaoq bhai gaoq oil naol.

Mil khaoq yaq iq sanl mail lavq yavq bai jil ha
nail. Haq nail khi aoq nail phaqaq mail bhee-i. Miq
yail gaiq-a nail yaol yaq khaoq sail bhai love ha
khi .Ngaq nail gal duq lavq yavq bhai khanq sil.

3 Yeiq sul nail aq sivq leivq nail lavq yavq bhaq
da nee. Meeq dee dee nail phaqaq bhai ya lal
naol,Ngal meeqaq lal haol lal khi iq bal nee ya jel-ail
dai.

Lavq yavq kov tavq Yeiq sul khanq sil naol.

Ngal gal duq lavq yavq bhai khanq sil

(More Then Tongue Can Tell)

1 Ngal gal duq lavq yavq bhai khanq sil. Yeiq sul ngaq bhai gaiq-a dee dee. Ngaq bhai kha dai gaiq-a nail dai. Moeq thaoq maq ge gil tsaol.

***Aivq mail goil nail gaiq-a nail nee gaiq. Moeq thaoq ge-u maq ge gil tsaol. Yeiq sul ngaq bhai gaiq-a nail neq. Moeq thaoq maq ge gil tsaol.

2 Nga dao nee mail jaol movq-i mail. Aq goe dal khaol uq tsaq tsaq khi. Noeq haq noeq aq nail aivq ya daq. Moeq thaoq maq ge gil tsaol.

3 Miq yail nail doiq bev siv tavq bhai. Aivq ngaq nail gal duq jaol duq hal. Aivq bhaq da nee ngal nee sal ya. Moeq thaoq maq ge gil tsaol.

4 Aivq nee jaol-u ngal laq khiq tsail. Gee sil nail jel-ai gaq naq ya naq. Aivq nail laq khoel noeq thuq-nq duq jivq. Moeq thaoq maq ge gil tsaol.

Yeiq sul ol ngal iq sanl danq naol

(I surrender All)

1 Yeiq sul ol ngal iq sanl danq naol iq sanl naoq
bhai danq gil naol. Naoq bha juq khi laq khiq tsail
naol.

Khaq mao gail ngal naoq-ai juq naol.

***Khal jiav nail danq khi .Ngal naoq-ai nee lal
naol.Hevq kovq nail gaq ol khal jiav nail iq sanl
mail danq naol.

2 Yeiq sul ol ngal iq sanl danq naol. Naoq nail si
tavq-ai uq huq thaoq. Laq khiq tsail nail liv ha gil
khi naoq-ai nee ngal jaol movq il;

3 Yeiq sul ol ngal iq sanl danq naol naoq-ai nee
mail bhi jaol lavq. Naol mal dil ngaq nail heeq
phaq ngaol. Aq heel gaq ngaq-ai nee jaol lavq.

4 Yeiq sul ol ngal iq sanl danq naol aq maol nee
mav a- bhiq naol. Naol goil nail pha q ngaq bai
bhivq lavq.

Naoq nail geeq laoq gail bhivq lavq.

Ngaq nail heeq pha q ol

(Draw me Nearer)

1 Ngaq nael heeq pha q ol naoq nail daoq ngaq
bhai naoq bhai gaiq-a naol dai ge lavq. . Naoq
bhai neevq mav tha q tsaol nail la q khoel nee.

Naoq nail a q jail-ai ngal jaol movq il

*** Naol khanq sil tha q nail lavq yavq a q jail-ai

Heeq pha q ngaq bai hel-aivq lavq yaoq. Hel daiq
lavq yaoq .Heeq pha q ngaq bhai hel daiq lavq

.Naoq nail a q jail-ai bhi jaol lavq

2Naoq nail geeq lao q mail ngaq bhai tsel dov lavq.

Naoq nail ganl bhai bhi nl lavq. Ngaq nail nee
mav noe q tuq-nq duq jia khi mail naoq nail nee
noeq bhi pevq lavq.

3 Naoq nail doiq bevq si tavq-ai ngal ya jaol-u
ngal la q khiq tsail dee dee naol. Ngal geeq lao q
hal khi. Naoq-ai nee a q tsa o q tsa o q-u. Ngal la q
khiq tsail dee dee naol.

4 Sil nail laol jaol bhai daol jao ma q ya jao. Nee
gaiq iq ma q heeq gil kivq. Ngal naoq-ai nee ga q
na q ma q ya na q-u ne q naoq nail nee gaiq ma q
bhee lal

Ngaq nail doevq yeel naol oil yaoq

(Take my life and let it Be)

1 Ngaq nail doevq yeel naol oil yaoq .Heeq pha
naoq nail gal duq ngaol. Ngaq nail aq lavq gail oil
yaoq.

(Goil nail gaiq-a nail ganl bhi nl)2

2 Ngaq nail aq khil bhai yuq yaoq. Naoq nail gal
duq bhi ail yaoq. Ngaq bhai bhi tsiq eeq lavq
yaoq.

(Naoq bhai taivq ail tsiq eeq movq il)2

3 Ngaq nail moeq thaoq bhai yuq yaoq. Naoq nail
daoq taivq-ail bhi ge lavq. Naq nail phul heel naol
oil yaoq.

(Naoq nail mil khaoq bhai yuq yaoq)2

4 Ngaq nail aq yanq bhai yuq yaoq.Naoq nail gal
duq taivq-ail nl naol.Ngaq nail nee noeq nee kha
gail.

(Naoq nail ganl taivq-ai ngal nl movq)2

5 Naq nail nee mav bhai yuq yaoq. Naoq nail taivq
ail bhi pevq lavq yaoq. Naq nail nee mav bhai oil
khi.

(Naoq nail jaol duq bhi pevq yaoq)2

Naoq nail nee noeq bhi pevq Heeq phaol

(Have thy own Way lord)

1 Naoq nail nee noeq bhi pevq Heeq phaol Naol
iq laolq teivq heel ngal neeq mil tsaq. Naql nee
noeq tsaq dai ngaq bhai oil khi Naol oil movq nail
khe-ai ngaq-ai teivq lavq yaoq.

2 Naoq nail nee noeq bhi pevq . Heeq phaol
ol. Yanq gaol ngaq nail nee mav bhai laonq daiq
yaoq. Neev mavq nuq jiaov dai ngal naoq-ai nee
lal .Haq laq nee maq tsil dai tsiq phul lavq.

3 Naoq nail nee noeq bhi pevq Heeq phaol. Ngaq
nail gaq bhai il gaq bivq laolq lavq.

Bhaiq -aoq iq sanl jia-ai thaq nail ngaol. Hevq
kovq nail gaq ngaq-ai bhi tavq lai lavq

4 Naoq nail nee noeq bhi pevq Heeq phaol. Ngq
bhai aq mee-ai uv thaiq lavq yaoq.

Ngal laq khoel kha li bhai yu moel dai aq haol
Miq yail ngal laq khoel jaol lavq.

Tsaol aq iq sanl nail nee mav phal lal dai

(Weve A story to tell to the nations)

Tsaol aq yaq iq sanl nail neev mav bhi phal lal nail. Aq tsnq aq daol nail daoq jia naol. Miq yail gaoq haq nail. Jial khaol bhai. (Coevq teev dai pevq nail daoq ngaol)2

*** Aqnav nail laq khoel aq bhaq bhaq lal

Nq hao gail n-gaol khe ai pevq lal .Bhaq-aoq mail bhaq nail. Yeq sul nail mil khaol mil tsaq kov tavq-ai kev lee naol.

2 Tsaol-aq iq sanl Heeq pha q bhai heeq nya lal dai. Cavq gaiq nail daoq aq meeq jiv naol. Cavq gaiq nail daoq niil haq-eiv nail khi.(Nee jia jia nail peivqail naol)

3Tsaol-aq iq sanl Heeq pha q bhai heeq nia lal dai. Laq khiq tsail nail daoq gail jia naol Aivq nail nee gaiq bhi heeq nia dai. (Aivq nail yaq bhi lee tha q nail)2

4Tsaol-aq iq sanl Miq yail nee kovq lal nia dai. Hevq kovq nail jial khaol cavq gaiq yaoq. Tsaol jeq iq sanl hevq kovq nail dai.(Haq nail aq nail aivq ya daq)2

Sil nail cov nail juq bhai hevq kovq bhiq yaoq

(Rescue the perishing)

1Sil nail co nail juq bhai naol hevq kovq bhiq yaoq. Iq bal khoeq nail nee mail hevq dov bhiq yaoq. Laiq nail juq bhai gaiq-a yaoq Tsuq nail juq he thul. Hevq kovq nail Yeiq sul jaol nail ge gaiq yaoq.

*** Sil nal ov nail juq bhai hevq kovq ail bhiq yaoq. Yeiq sul gaoq haq nya khi hevq kovq nya naol.

2Aivq nail daoq maq nal daiq-u Yeiq sul neq ol naol. Aq yu juq noeq pov khi kovq lal nail-ai daoq-nq. Hevq kovq nail gaq ngaol dai nee mav taq tsaol haq. Nee mav thaq tsaol nail gaq Yeiq sul hevq kovq.

4Neivq jal mul bhaq da nee tsaol-aq cov ail gaoq. Miq yail geeq laoq bhaq da nee meeq lal naol. Goil nail gaiq-a nail laq khoel aq meeq-ai tsu lovq ha-aq. Cov ail thaq nail gaq gaoq meeq kovq lal naol.

4Sil nail cov nail juq bhai naol cavq nail tsaq naol. Naol cavq nia dai Miq yaiq hel daiq lavq naol. Ol nail nee mav jiaq khi yu juq bhai hel daiq. Hevq kovq nail gaq sil nail jial khaol cavq gaiq.

Miq yail yaq ol thul yaoq
(Rise up ol men of God)

1 Miq yail yaq ol thul yaoq. Aivq nail gal duq lai jai. Aq maol nee mav iq sanl Miq yail gal duq ganl nl yaoq.

Miq yail yaq ol thul yaoq. Aivq nail mil khaoq bhi kev. Haq-aiv nail pha q peivq ail ai lai jai gaiq-a nail pha q bhi kev lee.

3 Miq yail yaq ol thul yaoq. Ka li nail mee q-nq daoq il. . Yu juq nail ganl nail jial khaol-ai yujuq bhai jao-ai bhiq yaoq.

4 Miq yail yaq ol thul yaoq. Kha li nail lavq yavq bhai. Avq ail nail bha naol gail ail yaoq aivq nail gal duq nl yaoq.

Nq hao aq iq haiq naol
(Bringing in the sheaves)

Nq hao aq iq haiq naol .Geeq laoq daoq gail haiq naol. N-gaol phao gail haiq khi nq kiv gail haiq naol. Gov mi lal khi gaiq nail aq yanq kev lal haq neq. Laq khiq tsail tav dai gov phi khi kovq lai naol.

*** (Gov phi khi kovq lai)2

Laq khiq tsail tav dai gov phi khi kovq lai naol)2

2 Aq bhaq laq khoel ai maq khaiq aqnav laq khoel ai maq khaiq Aqcoevq aq loil maq khaiq. N-juq neq haiq naol.

Maq maoq lal mail gaiq gil ganl-nl leev gil khi mail laq khiq tsail tav dai gov phi khi kovq lai naol.

3 Nee noeq haq nail laq khoel Heeq pha q gal duq haiq naol. Nee mav cov nail moel-u mai bhil dov lee gaoq. Al yanq kevq lal haq neq. Heeq pha q neq ha laq naol.

Laq khiq tsail tav dai gov phi khi kovq lai naol.

Luq duq laq khoel-ai iq thaiq

(Low in the Grave He Lay)

1 Luq duq laq khoel-ai iq thaiq. Yeiq sul hevq kovq
nail gaq. Nq bhaq bhaq nail bhai. Yeiq sul daonq il

*** Luq duq nee mail thul laq aoq nail. Jal mul mul
nail iq sanl gaq lai aoq nail. Aqnav bhai gaq lai khi
aivq gaoq doevq kovq lal aoq nail. Aivq nail yaq
nee jaol khi khaq mao gail-u thaiq. (Thul lal aoq
nail)2

Haq leiq lul yaq thul lal aoq nail.

2 Yail juq luq daol ai lovq gaoq. Yeiq sul hevq kovq
nail gaq. Lovq gaoq khul gail maq tsoiq. Heeq
phaq Yeiq sul.

3 Sil nail aivq bhai maq gaq. Yeiq sul hevq kovq
nail gaq.

Sil nail aq heel bhai gaq. Yeiq sul Heeq pha.

Aq bhu khi yaq Aq haq lal aq saol

(Father Son and Holy spirit

Aq bu khi yaq. Aq haqlal aq saol.

Geeq laeq, bhivq lavq nail. Miqyail ol.Nq tavq
yaq juq, mil tsaq yaq juq.

Naoq nail geeq laeq bai tsiq eeq naol.

Yei sul kha li geeq laeq eel jaol

Yeiq sul kha li geeq laeq eeljaol.

Aqbhu Miqyail nail gaiq-a nail phaql.

Aqheel mail bi tsaq bi daol nail.

N-juq nail gal duq bivq kev lavq.

*Gaolkheel nail daoq nee Miqyail bhai tsiq eeq
nail*

(Akeu praise and worship songs)

Thul lal yaoq Gaolkheel yaq juq ol...

Daoltavq ai jaol nail nga dao Gaolkheel yaq juq
khi mail mee-q-nq bhai jaol nail nga dao Gaolkheel
yaq Miqyail gaoq ha nail ngel-i Miqyail geeq laoq
bhaq da yanq-n gaol aivq nail yaq pevq lal aoq
naol.

Miqyail yaq pevq nail khe ai Jalliq phal doiq ge
khi aivq nail daoq bhai nal daiq yaoq Miqyail nail
goil gaiq-a nail Miqyail nail nee noe q bhai nga
dao laijai khi tsao the khal-aivq bhel....

CHO: Thul lal yaoq nga dao Gaolkheel yaq iqsanl
mail yanq-n gaol Miqyail nga dao bhai khul nail
ngaol. Miqyail nail sei q lei q khaoq sail, Miqyail
milkhaoq gal duq ngadao laijai khi nl dav bhel.

Maqtsaq maqjil lai nail neema maqtavq lai nail
iqsanl mail bhai khaonq ha yaoq..... tavqlai jillai
nia dai neema teevq dao-ai tavq dai nga dao
sivtavq phao aqlavq cavq khi nl bhel..

Naoq-ai gaiq-a naol Miqyail ol...

Ngaq nail neema naoq bhai tsiqeeq tsiqheel ga
naol, ngaq nail aqhaqlal naoq bhai taivq-ail
tsiqeeq naol. Naol ngaq tsaq uvq duq lovq phail
pevq nail ngaol khaqmao iq sanl ngaq bhai hel
daiq phail naol..

CHO : ol...Miqyail ol ngaq nail neema naoq ai
taivq gaiq-aol Miqyail ol ngaq nail neema
naoq ai danq naol ...ngal naoq bhai juq khi naoq
bhai ev/juq ga nao ngaq nail teevq yeel naoq bhai
taivq ail danq bhiq naol...

Naoq nail geeqlaoq naoq nail bhaq-aoq

Naoq nail siv tavq ai ngal aol lal khi
Ngaq nail neema naoq ai av bhiq naol
Naoq I mail gaiq a nail pha q ngal hel daiq moel
gaq

Naoq nail geeq laoq naoq nail bhaq-aoq juq

Nq tavq yaq khi miltsaq yaq juq yaoq gaq yaoq ao
nee naoq ai taivq ail tsiq ee q iqsanl nail kovtavq
ai heeqphaq pevq
Haqleiqululyaq tsiq ee q geel-nvq
Haqleiqululyaq tsiq ee q.....

Ngaq nail kovtavq ai bhi bhee

Ngaq nail kov tavq ai bhi bhee naoq nail daoq
jiavq nail khe ai naoq nail saljial bhaq da nee ngal
aq doevq doevq u phao. Ngaq nail neema naoq ai
hal pov tsaq nail daol nail naol pevq naoq nail
daoq ma saljial juq ngaq nail kov tavq ai bhi
bhee.....

Naoq nail aqsivq mail ngaq bhai ul kovq lavq,
ngaq nail moeqthaoq naoq bhai tsiq eeq, neesal
bivq nai Miqyail naol bhaq-aoq eeq dei...khaq
mao sanl mail hel daiq phail lavq.....

Gaolkheel yaq I mail gaiq nia nail pha

sulmilol nee aqceevq ge haq teevq bhu khi mail
teevq ma nail yaq naol khul dai noeq khi ngaol
neq Heeq pha Miqyail nail siv tavq ai aqivq khi
jaqbheq ngaol nuljuq ol....

Goil nail gaiq a nail khaq mao ail teevq gaq khe ai
khaq bha jaol jaol gaoq neema teevq dao ai tavq
khi mail geeq laoq hal kev khi Gaolkheel yaq I
mail gaiq a nail milkhaoq doi dai bhi gaiq ail
bhel...

neenoeq neekha mao dai maq heeq khi ngaol neq
Gaolkheel yaq bhai gaiq a nail pha aol khi khaq
mao sanl mail aqlavq cavq khi miltsaqyaq nail haq
bhoil dai aqbhaq bhi bhaq ail bhel.....

Milkhaol doi dai Miqyail I gaiq a nail pha yu
teevq gaq ai cavq gaiq gaq a nail aqtsaq ol... gaiq a
nail lavq khoel miltsaqyaq heeq nia daihull....
Gaolkheel yaq I mail gaiq a nia nail pha
milkhaoq ai bhi gaiq ai bhel...

Gaiq a nail teevq pha q jia v il

Gaiq a nail teevq pha q jia v ulcu vq khe ai ma q ceiv
lai bhoiq ju q aqkheel kheel nail khe ai, teevq ga q
teevq ga q ai gaiq a khi siv tavq phao q lai o q dai
khoel lavq nail haol nail Miqyail siv tavq phao q
hevq ha q ai lavq.

Cavq gaiq cavq gaiq geeqlao q dao q ai cavq gaiq
nqjaiq lil moel bho e lal ga o q ma q gu sil, ngal cavq
gaiq naol Miqyail nail geeqlao q dao q Yeiqsul
aqmil ai goil gaiq a khi ngal cavq ail naol..

Geeqlao q dao q phi khi Gaolkheel tsaol jeq jaol
nail a ngal cavq gaiq lai naol, ha q nail ao q nail ya
daq ga o q gailkhaol niil khaol ai ma q khaonq ha
Laqbheeq meenq Man meenq Lal-aol meenq ai
jaol nail Gaolkheel tsaol jeq nail gal duq nga q nail
teevq yeel danq khi geeqlao q dao q cavq ail
naol.....

Gaiq a nail Yeiqsul

Gaiq a nail Yeiqsul ol, naoq nail siv tavq ai
aqmaol neema aqhaqlal iq sanl mail naoq nail nee
gaiq a siv tavq ai ngaq nail tsaol jeq e gal duq
naoq nail aqlavq ai njuq av bhiq naol...

Heeqphaq Yeiqsul ol gaoq haq gaiq a lavq luq ail
nail seil ail nail khe gailkhaol kov tavq ai nioil
nioil ail jaol nail juq ngaq nail tsaol jeq e gal duq
doevq nail aqhalla ulcuvq naol bivq kev lavq....

Naoq I gaoq haq gaiq a nail bhai heeq nia khi naoq
nail daoq sel gul gul ail tsiq eeq nia
dai...ul.....Naoq I hevq kovq nail pha q bhai moel
haol nia khi naoq nail aqmil ail gul khi tsiq eeq nia
dai...ol...

Meeq nail Yeiqsul ol.. naoq gaoq haq gaiq a khi
mail ngaq nail tsaol jeq e kov tavq ai naol hevq
daiq lavq...oll.....Ngaq nail Yeiqsul ol meeq nail
haol nail Miqyail ol naoq nail nee gaiq a lavq
khoel ai naol hevq jil lavq naoq bhai tsiq eeq nia
dai.....

Miqyail maq ngel ail nul

Miqyail maq ngel ail nul khaq sil gaq nqtavq kov
tavq ai jaol Miqyail maq ngel ail nul ngal noeq
thunq nail phaqaq maq jiaq Miqyail maq ngel ail nul
khaq sil gaq ngaq ai maivbhil siv lavq Miqyail
maq ngel ail nul khaq sil gaq ngaq ai nee sal bivq
nia nail..

Ngaq nail neema aqmaol maq ya cov ail dai
Miqyail ngaq ai hevq jel lavq khi nee sal ovq nail
lavq khoel ngaq ai bhi jaol lavq khi gee laoaq eel
jaol teevq yeel ya aoq naol...

Ilkhaol maq bhao nail maq ngel ail

Ilkhaol maq bhao maq ngel ail ilkhaol ai noeq
moel ail nial al hai ngaol ngaq nail Gaolkheel yaq
oeqbal lavq khoel ai haq il mail Yeiqsul nee ail ha
thaonq iqsanl ilkhaol khe ai dul bhaiq tsil, keivq
avq juq aqkheel bhao gaoq Yeiqsul ilkhaol maq
bhao ail...

Miqyail nail geeqlaoq daoq neema bhai gevq thaq
ai phal thaqaq phi khi lainq thaqaq yaoq teevq pov
gaoq ail bhel aqtsaoq maq bhao gaoq neq Yeiqsul
nee ail naol miltsaq daoq loi khaq bhai sanl ngaq
nail ilkhaol pevq ail nial..

Ngaq I khal ail nail khal jaol nail a ngaq nail
ilkhaol pevq ail nial...

Jaol meeq nail daoltavq

Jaol meeq dee dee nail njuq daol tavq bha teevq
pov nal ga lal oq dai aqivq jaqbheq juq bhai daoq
tsaoq phuq naol....

Gaoqjaoq aqev meeq dee dee u Miqyail I bhai
thaq nail bhai noeq moel lee il haqtsoiq jaiqyaq
juq iq sanl Miqyail I mail bhai ai thaq nail
jaiqyaq...

Wul tseq iq dai tsil aq yaq gul nail aqthel I gaiq il
Miqyail bhai tsiq eeq u geenl nail phaqq ngal ya ai
thaq.....

Yeiqsul ai uqhuq thaoq naol

Yeiqsul ai uqhuq thaoq naol Yeiqsul ai uqhuq
thaoq naol...neegeel aol nail juq khe ai ngal naoq
bhai uqhuq thaoq naol. Tsiq eeq nail daoq sel gul
khi goil gaiq a nail phaqq danq khi naol Yeiqsul
bhaqq aoq eeq nail Miqyail gaolbeiv khi uqhuq
thaoq naol..peevq ceevq doiq khi uqhuq thaoq
naol...

Naoq nail doiqbev sivtavq ai

Naoq nail jaol duq naoq nail doiq bev siv tavq ai
ngal aol lal khi ngal thaoq hal lal a naol..meeq
haol nail neema aqsivq bivq lavq ngaq nail yeel
bhai naol tsiq haol lavq yaoq.....

Ngaq nail aqhaqlal ngaq nail geeq laoq hal daoq
naoq nail sivtavq ai tsaq nail daol nail pha q ngal
gul khi tsiq ee q yaoq daoq yaoq nee naoq nail
sivtavq ai haol nail pha q taivq ail bhi pevq lavq...

Heeqphaq Yeiqsul ol naoq bhai ngal hal nail ngaol
gaoq haq gaiq a khi geeqlaoq bivq lavq
yaoq....Ngaq nail teevq yeel Miqyail milkhaoq ee q
lal nia dai ngaq nail neema ai tsiq haol khi yuq
lavq yaoq.....

DAOQANSEL

TSIQEENAIL

